

掌  
中  
宇  
宙



掌中宇宙敘略

只下四方曰宇往古來今曰  
宙宇宙間名物萬不可窮  
思曰雖聖人亦有所不知焉  
誣我哉今有老師宿儒素以  
博洽名世矣試舉一隅而叩



之曰如為天文者凡幾為地理  
者凡幾為物象者凡幾殆有  
莫知所復者況下法者乎中興  
先生著掌中宇宙稿一十四卷自  
仰觀俯察迄於旁通博物志  
十篇為部凡四十有四遠取諸



顓視掌然嘗曰吾備遺亡云耳  
汗牛充棟其不限於耳目固  
有待也夫博我以文鑄顏之鑑  
也為學而識潛賜之鑰也通天  
地人曰儒若是編者可少哉  
賜進士通奉大夫四川等處承宣



布政使司布政使前奉  
勅督理兩浙鹽課山西道監察御史  
潁人王道增撰



掌中宇宙小引

夫子有言君子多識前言往行以畜  
其德又曰多見而識之知之次也見之多  
而繼之以識宜若無遺知矣而但居其次  
諛聞寡學其將謂何來足語夫德之畜  
也昭矣吾為此懼恨力之弗能游江淮



涉汶泗講紫齊魯之都如太史遷者  
以觀孔氏之遺風下邳而多聞之曰季博  
物之茂先竊忘每有媿焉歲逝生徒既  
乖內省素食偷逸光所來懽方將搜  
羅古人之編籍而庸以自昭其德庶幾  
少有贖也顧書之在天下者汗牛充棟



雖窮年涉獵尚苦於弗能徧也云何識之  
多耶博而寡要又何庸焉廼隨所讀  
而輒抄之網舉目張間麗以面庶其千  
古上下四海內外萬物終始若鉅若細若  
精若粗了了若指諸掌藏之家塾時一  
熟玩而服膺之尚不辜夫子多識之訓



非敢以衡諸大方家也

嘉靖己亥陽月丁卯中菴盧翰子羽

甫識



掌中宇宙目錄

卷之一

仰觀篇上

儀象部

星宿部

卷之二

仰觀篇下

天澤部

節序部

卷之三

俯察篇



流峙部 方隅部 名勝部

卷之四

原人篇

族類部 性情部 形體部

卷之五

建極篇上

曆數部 后妃部

卷之六

建極篇下



君道部

治法部

治體部

禮制部

樂律部

卷之七

列職篇

官秩部

名臣部

循吏部

鼎貴部

卷之八

崇道篇

儒道部

文林部

經籍部

藝文部

卷之九



耀武篇

兵務部

卷之十

表俗篇

隱逸部  
卓學部  
女行部

卷之十一

旁通篇上

鬼神部  
佛教部  
道教部  
醫術部

卷之十二



旁通篇下

丹教部

堪輿部

方技部

卷之十三

博物篇上

草木部

禽獸部

珍寶部

卷之十四

博物篇下

宮園部

飲饌部

冠服部

器械部

雜事部



掌中宇宙卷之一

山東兗州府推官汝陰盧翰輯

潁州道兵備副使潛江歐陽東鳳發刻

潁州知州扶風孫崇先閱

儒學署學正古吳王會圖校

仰觀篇上

儀象部

天


陽氣輕清上浮為天天顛也至高無上從



一大也天體至圓周圍三百六十五度四分度之一統地左旋常一日一周而過一度天形蒼然南樞入地下三十六度北樞出地上三十六度狀如倚杵其用則一晝一夜行九十餘萬里人一息間天行八千餘里人一晝夜有萬三千六百餘息故云行九十餘萬里云




# 天文圖





三



二



九天

一中天二熒天三從天四更天五臘天六廣天七咸  
天八流天九成天又東方皞天東南方陽天南方赤  
天西南方朱天西方成天西北方幽天北方玄天東  
北方變天中央鈞天

九霄

神霄青霄碧霄景霄玉霄瓊霄紫霄太霄清霄

九野

中央曰鈞天其星角亢氐東方曰蒼天其星房心尾



東北曰變天其星箕斗牽牛北方曰玄天其星須女  
虛危營室西北方曰幽天其星東壁奎婁兩旁曰皞  
天其星胃昂畢西南方曰朱天其星觜雉參東井南  
方曰炎天其星與鬼柳七星東南方曰陽天其星張  
翼軫

四象

日為陽精天之靈魂月為陰精天之氣魄星為陽之  
餘精辰為陰之餘氣故星者天之神辰者天之體日  
月在天如人之真心命門陰陽之本也五星如人五



臟諸星如人支骸精血辰之於天則人之體魄是也

五官

東方為田南方為司馬西方為理北方為司空中央為都

五星

東方木也其帝太皞其佐勾芒執規而治春其神為歲星其獸蒼龍其音角其日甲乙南方火也其帝炎帝其佐朱明執衡而治夏其神為熒惑其獸朱鳥其音徵其日丙丁中央土也其帝黃帝其佐后土執繩



而制四方其神為鎮星其獸黃龍其音宮其日戊己  
西方金也其帝少昊其佐蓐收執矩而治秋其神為  
太白其獸白虎其音商其日庚辛北方水也其帝顓  
頊其佐玄冥執權而治冬其神為辰星其獸玄武其  
音羽其日壬癸

三垣

紫微太微天府

二繩

子午卯酉



四鉤

丑寅辰巳未申戌亥

四維

東北為報德之維西南為背陽之維東南為常羊之  
維西北為號通之維

七舍

室堂庭門巷街野十二月德居室三十日先日至十  
五日後日至十五日而徙所居各三十日德在室則  
刑在野德在堂則刑在街德在庭則刑在巷陰陽相



得則刑德合門八月二月陰陽氣均日夜分平故曰  
刑德合門

天體

天體四圓如兩蓋之相合鹵北兩極猶兩蓋之扛轂  
二十八宿猶蓋之弓橑赤道橫絡天腹如兩蓋之交  
處赤道之北為內郭如上覆蓋赤道之南為外郭如  
下仰蓋故列弓橑之數近兩轂則狹漸遠漸闊至交  
則極闊其勢然也亦猶列舍之度兩極則狹漸遠漸  
闊至赤道則極闊也



言天體者三家

一曰周髀二曰宣夜三曰渾天

璣衡俱飾以玉虞喜云宣明也夜幽也幽明之數其術兼之故曰宣夜髀股也股者表也其法始於庖犧周人志之故曰周髀蔡邕云即蓋天也渾天者以為地在其中天周其外日月初登于天後入于地晝則日在地上夜則日入地下太史所用候臺銅儀則其法也

天有四時



穹蒼蒼天也天形穹隆其色蒼蒼故名春為蒼天萬物蒼蒼然生夏為昊天言氣軒皓秋為旻天言愍萬物之凋落冬為上天言時無事在上臨下而已

天地四時之氣皆不外中

子午者二至之中亦天地之中卯酉者二分之一中亦陰陽之中

土圭法天地

其法每地千里景差一寸陽城之景一尺五寸中也南至日南表下無景是日南去陽城一萬五千里矣



立八十為實旁立十五為法以勾股算之得八萬一千三百九十四至有奇此天頂至地之數也倍之得十六萬一千七百八十八里有奇即天經之數也以周經之法乘之得五十一萬三千六百八十七里有奇即周天之數也觀天周經之數則地四方相距之數可推矣

兩儀

天受日月星辰地受水潦塵埃天傾西北故日月星辰係焉地不滿東南故水潦塵埃歸焉



天不足西北故西北方陰也人右耳目不如左明地  
不滿東南故東南方陽也人左手足不如右強



月 日 之  
短 圖





# 晝夜百刻

大暑  
 小暑  
 立秋  
 白露  
 秋分  
 寒露  
 霜降  
 小雪  
 大雪  
 冬至  
 小寒  
 大寒  
 立春  
 雨水  
 驚蟄  
 春分  
 清明  
 穀雨  
 立夏  
 小滿  
 芒種  
 夏至  
 小暑  
 大暑



日出

日入



日

積陽之熱氣生火火氣之精者為日國者  
衆陽之宗輝光所燭萬里同晷故日將旦  
清風起群陰伏化國之日舒以長故其民  
閑暇而力有餘亂國之日促以短故其民  
困務而力不足

日各有五

一曰朱明一曰靈耀一曰東方一曰大明一曰陽鳥  
外國呼為濯濯羅方諸真人號為圓羅耀



日名又有十三

一曰天光一曰景炎一曰光魯一曰朱炎一曰陽景  
一曰陽德一曰扶光一曰朱曦一曰朱光一曰馳暉  
一曰藻景一曰浮陽

四行四陸

行西陸謂之春行南陸謂之夏行東陸謂之秋行北  
陸謂之冬

三竿

永明五年丁亥日出三竿朱色黃色赤暈



日一南一北而萬物生死

日一南而萬物死謂夏至以後日窮南陸一返南道  
群陰漸長則萬物所以死也日一北而萬物生謂冬  
至以後日窮北陸一返北道群陽斯長萬物所以生  
也

日經十六所為九州七舍

日出於暘谷浴於咸池拂於扶桑是謂晨明墜于扶  
桑爰始將行是謂朏明至於曲阿是謂旦明至于魯  
泉是謂蚤食至於桑野是謂宴食至于鬴陽是謂隅



中至於昆吾是謂正中至于鳥次是謂小還至于悲  
谷是謂饋時廼于女紀是謂大還經于泉隅是謂高  
春頃于連石是謂下春爰止羲和爰息六螭是謂縣  
車至于虞淵是謂黃昏淪於蒙谷是謂定昏日入崦  
嵫經于細柳日入於虞淵之汜曙於蒙谷之浦行九  
州七舍有五億萬七千三百九里

日二至二分出入之所

冬至日出東南維入西南維至春秋分日出東中入  
西中夏至出東北維入西北維



二至日景

冬至日在牽牛景長丈有三尺一寸四分夏至日在東井景長尺有五寸八分

一歲日行之數

日麗天而少遲故日行一日亦繞地一周而在天為不及一度積三百六十五日九百四十分日之二百三十五而與天會是一歲日行之數也

月

積陰之寒氣為水水氣之精者為月月者



陰之宗有形無光光生於日所照魄生於日所蔽月群陰之本月望則蚌蛤實群陰盈月晦則蚌蛤虛群陰挈月闕也滿則缺也晦則灰也

月名義十

朝而月見東方謂之朏晦而月見西方謂之魄朔蘇也月死復蘇生也弦月半之名也其形若張弓弦也望月滿之名也日月遙相望者也晦而月死為灰月死盡似之也朔後月明生而魄死曰哉生明望後



明死而魄生曰哉生魄

月有九行

黑道二出黃道北赤道二出黃道南白道二出黃道  
西青道二出黃道東并黃道而九

立春春分月東從青道立秋秋分月西從白道立冬  
冬至月北從黑道立夏夏至月南從赤道又曰青赤  
出陽道白黑出陰道月失節而行出陽道則旱風出  
陰道則雨水在黃道為正

月行九道



凡月行所交以黃道內為陰曆外為陽曆冬入陰曆  
夏入陽曆月行青道

冬至夏至後青道半交在春分之宿當黃道東立  
冬立夏後青道半交在立春之宿當黃道東南至  
所衝之宿亦如之

冬入陽曆夏入陰曆月行白道

冬至夏至後白道半交在秋分之宿當黃道西立  
冬立夏後白道半交在立秋之宿當黃道西北至  
所衝之宿亦如之



春入陽曆秋入陰曆月行赤道

春分秋分後赤道半交在夏至之宿當黃道南立  
春立秋後赤道半交在立夏之宿當黃道西南至  
所衝之宿亦如之

春入陰曆秋入陽曆月行黑道

春分秋分後黑道半交在冬至之宿當黃道北立  
春立秋後黑道半交在立冬之宿當黃道東北至  
所衝之宿亦如之

四序離為八節至陰陽之所交皆與黃道相會故月



行有九道所謂日月之行則有冬有夏也

二分月弦

春分日在婁月上弦於東井下弦於牽牛秋分日在角月上弦於牽牛下弦於東井

月三十日度明魄朔望

一日十三度十九分之七會日為朔魄盡二日二十六度十四分旁死魄三日四十分度之三分哉生明朏四日五十三度九分五日六十六度十六分六日八十分度之四分七日九十三度十分八日百六度



十八分九日百二十度六分近一遠二上弦十日百  
三十三度十三分十一日百四十七度七分十二日  
百六十度八分十三日百七十三度十五分十四日  
百八十七度三分十五日行二百度十分既望十六  
日二百十三度七分哉生魄十七日二百二十七  
度五分既生魄十八日二百四十度十二分十九日  
二百五十四度二十日二百六十七度七分二十一  
日二百八十度十四分二十二日二百九十四度一  
分遠一近二下弦二十三日三百七度九分二十四



日三百三十度十六分二十五日三百三十四度四分二十六日三百四十七度十一分二十七日三百六十度十八分二十八日三百七十四度六分過周天數復行天度一分奇四之一二十九日復行二十二度八分四之一三十日半日二十九度一分四之一

一

一月月行之數

月行遲常以二十七日千二十六分日之三百一十七而與天會二十九日九百四十分日之四百九十



九而與日會一月一周天者以與日會言也其實三十七日有奇而周天又二日有奇始與日會

一歲月行之數

月麗天而先遲一日常不及天十三度十九分度之七積二十九日九百四十分日之四百九十九而與日會十二會得全日三百四十八餘分之積又五千九百八十八如日法九百四十而一得六不盡三百四十八通計得三百五十四九百四十分日之三百四十八是一歲月行之數也



十二月日月會次

正月寅日月會于析木尾十半箕十九少二月卯日  
月會于大火房五太心六少三月辰日月會于壽星  
角十二亢九少氐十六四月巳日月會于鶉尾翼十  
八太軫十七五月午日月會于鶉火星六太張十八  
少六月未日月會于鶉首井三十三少鬼二半柳十  
三太七月申日月會于實沈觜半參十半八月酉日  
月會于大梁胃十五昂十一少畢十七少九月戌日  
月會于降婁奎十六半婁二十月亥日月會于娵



營室十七壁八太十一月子日月會于玄枵虛九少  
危十五半十二月丑日月會于星紀斗二十五牛七  
少女十少

兩擢

日者陽之主也是故春夏則群獸除日至而麋鹿解  
月者陰之宗也是以月虛而魚腦減月死而羸蚌照  
陽燧見日則燃而為火方諸見月則津而為水  
日中有駿烏月中有蟾蜍

星宿部



星

星之為言精也陽之榮也陽精為日分為  
星故字從日生又山川精氣浮虛空中其  
行其止皆須氣焉常星為經五星為緯交  
相經緯以成天文也

六曜

太陽星君象太陰星臣象紫氣星續木之餘氣月孛  
星本水之餘氣羅睺星續火之行計都星續土之行  
五星



歲星分四七宿為十二次一歲行一次太陰在子午  
卯酉四仲則歲星行三宿太陰在四鉤謂寅申巳亥  
四孟及辰戌丑未四季則歲星行二宿二八十六三  
四十二故十二歲而行二十八宿日行十二分度之  
一歲行三十度十六分度之七十二歲而一周天為  
一紀太歲為陰左行在寅歲星為陽右轉在丑太歲  
在卯則歲星居子在辰則歲星居亥之類又為太歲  
在寅則歲星正月晨出東方在卯則二月晨出東方  
以此而推餘皆可見



熒惑火者陰質而陽萃焉然其氣比日故其遲倍日  
蓋火星自有入無自無入有受天地變化之氣為之  
故出入無常辯變其色時見時匿二歲一周天

填星以甲辰元始斗建歲填行一宿日行二十八分  
度之一歲行十二度百一十二分度之五二十八歲  
一周天其行最緩

太白元始以正月甲寅與熒惑晨出東方二百四十  
日而入四十日而又出西方二百四十日而入  
三十五日而復出東方出以寅戌入以丑未大率一



歲一周天

辰星正四時常以二月春分見奎婁以五月夏至見東井以八月秋分見角亢以十一月冬至見斗牽牛出以辰戌入以及未出二旬而入晨候之東方夕候之西方亦一歲一周天或曰水星為晨星時有十二辰月有十二會散在天地間無注而不為潤澤出非其時寒暑失節故為太乙之象蓋水火二星相須火或有或無水或盈或涸皆得天地變化之氣

五星天之五佐



歲星木性柔直史氏謂其主司天下人君之過主歲  
五穀歲星所在其國有福失次則所衝之地有禍過  
次者殃大過舍者殃小不過則無咎

熒惑火性激烈主執法常以十月入太微受制而出  
行列宿司無道之國為亂為賊為疾為喪為饑為兵  
填星土性重厚戊己居季夏四時之中如人有心四  
肢百骸無不統故四星皆失填星為動一曰主女象  
又曰天子之星天子失信填星大動所居之次殊久  
其國福厚當居而弗居其國亡土未當居而居之其



國益地歲熟

太白金性堅剛主司兵陰星也出東當伏東出西當伏西當出而不出未當入而入天下偃兵當入而不入當不出而出天下興兵

辰星水性平淡主刑法之得失是正四時一時不出其時不和四時不出天下大饑


中宮五星六星

黃神軒轅於中宮天極五星勾陳六星皆在紫宮中  
最尊者也天五居十干中為戊己屬土應天極五星



地六居十二支中為辰戌丑未屬土應勾陳六星在天為辰在地為土故張靈憲以黃神目之其曰五宮五七三十五名者以北斗七星為帝車以幹旋造化也

天極五星



星家言四帝夾黃帝中座者東帝威靈仰南帝赤熛怒西帝白招矩北帝叶光紀即月令木火金水并中



典土為五是也或謂天一而帝五何也曰此不過借  
王宰之名以言五行之氣各有攸統爾

勾陳六星


奎

六星土象坤數六也口中一星曰天皇大帝主御群  
靈抱樞樞四星曰四輔隋志曰在紫微宮中班固曰  
周以勾陳之位蓋土居五行中而四時之氣無不備  
勾陳居龍虎鶉龜中而四方毛羽甲鱗之虫無不統



所以為中宮之衛歟

斗有七星并輔星為八



北斗七星在太微北魁四星為璇璣杓三星為玉衡  
斗人君之象號令之主也第八星輔星輔于開陽所  
以佐斗成功丞相象也主危正矯不平

南北二極星

南極低入地下三十六度故周回七十二度之中常



隱不見南極下有數大星甚明亦在七十二度之內  
北極高山地上三十六度故周回七十二度常見不  
隱北極之星正在常見不隱七十二度之中常居其  
所不動其旁則經星隨天左轉日月為緯右轉更迭  
隱見若環繞而歸向之

南北二斗

北斗之星七其數奇南斗之星六其數偶

南斗六星

上將次將貴相司命司中司祿



三台星

上台中台下台

上台

中台

下台

六星兩兩而起一曰天柱三公之位在人曰三公在天曰三台文昌二星曰上台為司命主壽次二星曰中台為司中主宗室東二星曰下台為司祿主兵又曰三台為天階太一躡以上下一曰泰階上階上星為天子下星女主中階上星為諸侯下星卿大夫下



階上星為士下星庶人又曰上台司命為太尉中台司中為司徒下台司祿為司空三台色齊君臣和不齊為乖戾三階平陰陽和風雨時社稷神祇咸獲宜天下泰平六符者六星之符驗也

文昌六星




六星在北斗魁前天之六符主集計天道史天官曰斗魁戴魁六星一上將二次將三貴相司命司中司




祿與三台同

尚書五星



為天喉舌斟酌元氣運平四時布政四海共治天下

少微四星




四星在太微士大夫之位一曰處士或曰博士官南



第一星處士第二星議士第三星大夫明大而黃賢才舉

即官十五星



在帝座東北一曰依烏即府周官元士漢光祿中散諫議郎是其職也

傳說一星

○



在箕尾後主章祝巫官也

天上一星應在朝一官前星為太子三台為三公文昌六星為尚書六部北斗為天喉舌尚書亦為王喉舌天有傳說星人有傳說相天有王良策馬人有王良善馭如此之類難以徧舉故張靈憲曰在朝象官在人象事

文星五

東壁二星



二星主天下文章圖書之府星明王道行國多君子  
五星聚奎



漢元年五星聚于東井為高帝受命之符宋乾德五  
星如連珠分在降婁為天下文明之象五星聚奎又  
在魯分自是天下始太平見竇儀之言

柱下史一星

○  
極東一星主記過左右史之象




六甲



六星在華蓋傍分陰陽配節候布政教

華蓋十八星



五帝內座

上九星華蓋下九星扛蓋之柄所以覆帝座詩為章  
干天

織女三星



三星天孫也主果畝絲帛珍寶嫁娶詩終日七襄東  
坡云天孫為織雲錦裳女須四星賤織女三星貴妾  
與天女異分也

武星十五

天將軍十二星

○華南門





十二星在委北主武中央大星天之大將也外小星吏士也大將星搖兵起大將出小星不具兵發

郎將一星


○ 一星在卽位北為武備

虎賁一星

○ 一星在太微北旄頭之騎士也


騎官二十七星





二十七星在氐南為天子虎賁主宿衛

羽林星四十五星



四十五星在營室南一曰天軍

壘壁星十二星





十二星在羽林北羽林之垣壁也三軍位為營室

參旗九星



九星在參西一曰天旗一曰天弓主司弩弓之張候  
變

九旗九星



西南九星天子旗也

左旗右旗九星



九星在牽牛北天鼓也一曰二武大將軍居左右二將之中也旗九星在鼓旁相為旌表又河鼓星亦名牽牛非也隋志曰河鼓三星唐天文志曰河鼓將軍象也

天槍三星



三星在北斗杓東一曰天鉞天之武備



弧星九星



九星在狼東南天弓也主備盜賊

天棓五星



五星天子先驅也忿爭禦難皆所以備非常一星不  
具國兵起

招搖二星

○



一星與斗相應胡來受命中國明而不正則胡不受命

天廐十星

東壁十星曰天廐主馬之官主驛亭主刻漏與晷刻並馳

王梁一星

天駟一星曰王梁策馬車騎滿野晉志曰王良亦曰



天馬亦梁為天橋故或占車騎或津梁道

民星二十四星

在東七星中立春日晨星中於午為農祥占曰百穀  
熟

農丈人一星

在南斗西南老農主穡也

天雞二星



主候時以催耕

牽牛六星



張騫乘槎事見河東牛郎耕河西織女織雖未必然  
於世教有補况七曜起於牽牛道陽氣以出乎爾雅  
河鼓牽牛一星李巡孫炎二之李曰二十八宿名孫  
曰河鼓在牽牛北

犁曲九星





六星大而明餘三星小而暗耕時柄向上

天田星九星


九星在牛星南又曰蒼龍左角為天田

水府星四星



在東井西南主水官

羅堰星九星





九星在牽牛東壅水潦為灌溉之渠

四瀆星

江河淮濟之星

斗星五星

五星主平量仰則天下斛斗不平覆則歲穰

內杵臼七星



七星主給軍糧客星入兵起東府南三星曰內杵四星曰內臼

天江四星

在尾北四星不具津梁關道不通動搖大水出

天船十星

積水

九星一曰舟車以濟不通中一星曰積水候水災亦主水旱均明則天下安



天錢十星



十星如貫錢之狀在北落門西北


天籥八星



在斗杓西主關閉

天市垣二十二星

帝座





隋志垣有二十二星在房星東北主權衡主聚衆市中星衆潤則歲實稀則歲虛營惑守之戮不忠之臣彗星守之為徙市易郡帝座一星在市中天庭也光而潤天子吉威令行候一星在帝座東北主伺陰陽宦者四星在西南不欲大明則輔臣強

人星五星



南五星曰人星主靜衆庶柔遠近一曰卧星主防淫  
洪



老人星一星

○ 一曰南極常以秋分之日見于丙春分之日沒于丁見則治平主壽昌不見則兵起

天乳星一

○ 亢北一星曰天乳主甘露

景星三方星

景星者火星也德星也又曰天曜曜明也狀如半月



生於晦朔助月為明常出有道之國王者不敢私人  
則見赤方氣與青方氣相連赤方中有兩黃星青方  
中有一黃星三方星合為景星

天社六星



與鬼之南六星曰天社其位坤其氣土其神共工氏  
之子勾龍平水土故祀以配其精為星


天稷五星





五星在七星南稷農正也取五穀之長以為號

天廟十五星



張南十五星曰天廟天子之祖廟也

瑞星六

景星周伯含譽王蓬芮格澤玄保

七夕二星

天河之西有星煌煌與參俱出謂之牽牛天河之東



有星微微在氏之下謂之織女天女孫也黃姑即河鼓也牽牛星荊州呼為河鼓主關梁織女星則主瓜果

四仲中星

鳥火虛昴皆分至之昏見於南方正午位之中星仲春之月七宿各居其方位故星火在東鳥在南昴在西虛在北日在昴入於酉地則初昏時鶉火見於南方正午之位當是時晝夜各五十刻是為春分之氣至仲夏之月則鳥轉而西火轉而南虛轉而東昴轉



而北日在星入幸地初昏之時大火房心見於南方  
正午之位當是時晝長夜短晝六十刻夜四十刻是  
為夏至之氣至仲秋之月則火轉而西虛轉而南昴  
轉而東鳥轉而北日在心入於酉地初昏之時虛見  
於午當是時晝夜分亦各五十刻是為秋分之氣至  
仲冬之月則虛轉而西昴轉而南鳥轉而東火轉而  
北日在虛入於申地初昏之時昴見於午當是時晝  
短夜長晝四十刻夜六十刻是為冬至之氣四仲之  
氣既定則十二月之氣無不定矣



論北極出地三十六度一偏之誤

此言北極出地上三十六度亦宋儒刻舟記劍之說也元朝有天下最廣置監候官十四人分度而出先從南北取直立表以測景南海北極出地二十五度夏至景在表南長一尺一寸六分晝五十四刻夜四十六刻衡岳北極出地二十五度夏至日在表端無影晝五十六刻夜四十四刻岳臺北極出地三十五度夏至景長一尺四寸八分晝六十刻夜四十刻和林北極出地四十五度夏至景長三尺二寸四分晝



六十四刻夜三十六刻鐵勒北極出地五十五度夏至景長五尺一分晝七十刻夜三十刻北海北極出地六十五度夏至景長六尺七寸八分晝八十二刻夜一十八刻繼又測驗上都北極出地四十三度少北京北極出地四十二度強益都北極出地三十七度少登州北極出地三十八度少高麗北極出地三十八度少西京北極出地四十度少太原北極出地三十八度少安西府北極出地三十八度半強興元北極出地三十三度半強成都北極出地三十一度



半強西涼州北極出地四十度強東平北極出地三  
十五度大名北極出地三十六度南京北極出地三  
十四度太強陽城北極出地三十四度太弱楊州北  
極出地三十三度鄂州北極出地三十一度半吉州  
北極出地二十三度半雷州北極出地二十度太瑯  
州北極出地十九度此元人天文所以度絕千古也




# 仲春中星圖



春分日在  
 昴入於酉  
 地初昏時  
 鶉鳥見於  
 南方正午  
 之位正七  
 宿之中是  
 鶉火為仲  
 春中星也  
 鳥以象言



# 仲夏中星圖



夏至日在  
星入於辛  
地初昏時  
大火房心  
見於南方  
正午之位  
正七宿之  
中故曰日  
永星火息  
火以次




神 秋 中 星 圖



秋分日在房心入於酉地初昏時星虛正七宿之中見於南方正午之位故曰日中星虛星虛以宿言也



# 仲冬中星圖



冬至日在  
虛入於申  
地初昏時  
昂見於南  
方正午之  
位正七宿  
之中是星  
昂為仲冬  
中星也星  
昂以宿言



# 宿

天有二十八宿為十二次舍布列四方三百六十五度四分度之一乃日月五星之所舍也皆包義氏仰觀俯察以天之二十八宿周於圓穹之度以麗十二位隨天體而左旋是之謂經星也

## 二十八宿各成一形

天星有龍虎鳥龜之形四方皆有七宮各成一形東方角亢氐房心尾箕七宿其形如龍曰蒼龍南方井



鬼柳星張翼軫七宿其形如鳥曰朱雀西方奎婁胃  
昂畢觜參七宿其形如虎曰白虎北方斗牛女虛危  
室壁七宿有龜蛇體曰玄武




二十八宿



女虚危室壁



# 形象總圖





二十八宿星禽

角木蛟亢金龍氏土貉房日兔心月狐尾火虎箕水  
豹斗木獬牛金牛女土蝠虛日鼠危月燕室火猪壁  
水獮奎木狼婁金狗胃土雉昂日雞畢月烏觜火猴  
參水猿井木犴鬼金羊柳土獐星日馬張月鹿翼火  
蛇軫水蚓

二十八宿隸十二宮星及州國分野

角亢分辰天秤宮為壽星屬鄭之兗州氏房心分卯  
天蜩宮為大火屬宋之豫州尾箕分寅人馬宮為析



木屬燕之幽州斗牛分丑磨蝎宮為星紀屬吳之楊州女虛危分子寶瓶宮為玄枵屬齊之青州室壁分亥雙魚宮為娵訾屬衛之并州奎婁分戌白羊宮為降婁屬魯之徐州胃昂畢分酉金牛宮為大梁屬趙之冀州觜參分申陰陽宮為實沈屬晉魏之益州井鬼分未巨蟹宮為鶉首屬秦之雍州柳星張分午獅子宮為鶉火屬周之雍州三河翼軫分巳雙女宮為鶉尾屬楚之荊州

二十八宿分屬十二州



天文分野角亢氏屬鄭兗州東郡入角一度東平任  
城山陰入角六度濟北陳留入亢五度濟陰入氏一  
度東平入氏七度泰山入角十二度房心屬宋豫州  
潁川入房一度汝南入房二度沛郡入房四度梁國  
入房五度淮陽入心一度魯國入心三度楚國入房  
四度尾箕屬燕幽州涼州入箕十度上谷入尾一度  
漁陽入尾三度右北平入尾七度西河上郡北地遼  
西東入尾十度涿郡入尾十六度渤海入箕一度樂  
浪入箕三度玄菟入箕六度廣陽入箕九度斗牽牛



須女屬吳越揚州九江入斗一度廬江入斗六度豫  
章入斗十度丹陽入斗十六度會稽入牛一度臨淮  
入牛四度廣陵入牛八度泗水入女一度六安入女  
六度虛危屬齊青州齊國入虛六度北海入虛九度  
濟南入危一度樂安入危四度東萊入危九度平原  
入危十一度菑州入危十四度營室東壁屬衛并州  
安定入營室一度天水入營室八度隴西入營室四  
度酒泉入營室十一度張掖入營室十二度武都入  
東壁一度金城入東壁四度武威入東壁六度燉煌




入東壁八度奎婁胃屬魯徐州東海入奎一度琅琊  
入奎六度高密入婁一度城陽入婁九度膠東入胃  
一度昂畢屬趙冀州魏郡入昂一度鉅鹿入昂三度  
恒山入昂五度廣平入昂七度中山入昂八度清河  
入昂九度信都入畢三度趙郡入畢八度安平入畢  
四度河間入畢十度真定入畢十三度冀屬魏益  
州廣漢入觜一度越雋入觜三度蜀郡入參一度犍  
為入參三度牂牁入參五度巴蜀入參八度漢中入  
參九度益州入參七度東井輿鬼屬秦雍州雲中入



東井一度定襄入東井八度鴈門入東井十六度代  
郡入東井二十八度太原入東井二十九度上黨入  
輿鬼二度柳七星張屬周三輔弘農入柳一度河南  
入七星三度河東入張一度河內入張九度翼軫屬  
楚荊州南陽入翼六度南郡入翼十度江夏入翼十  
二度零陵入軫十一度桂陽入軫六度武陵入軫十  
度長沙入軫十六度此二十八宿分屬十有二州



# 二十八宿星度宮屬之圖



中一層十二辰也方也二層十二國也三層十二州也四層十二星五層十二宮六層二十八宿并度数也



方有七宿

二十八宿分在四方方各七宿第斗至壁是謂星武  
第奎至參是謂星虎第井至軫是謂星朱雀第角至箕  
是謂星龍環列四方随天西轉方有定星星無定居  
故隱見各有其時

七宿星數

星龍之星三十二星武之星三十五星虎之星五十  
一星雀之星六十四合之而為一百八十二星

七宿度數



星龍之度七十五星武之度九十八四分度之一星  
虎之度八十星雀之度百二十合之而為周天三百  
六十五度四分度之一一度二千九百三十二里分  
為十二次

七宿次建分野

自斗十一度至婺女七次一名須女曰星紀之次辰  
在丑謂之赤奮若律中黃鍾斗建子今吳越分

自婺女八度至危十六次玄枵一名天鼃辰在子曰  
困敦律中大呂斗建丑今齊分



自危十七度至奎四次豕鬐一名姬訾辰在亥曰大淵獻律中太簇斗建寅今衛分

自奎五度至胃六次降婁辰在戌曰闌茂律中夾鍾斗建卯今魯分

自胃七度至畢十一次大梁辰在酉曰作噩律中姑洗斗建辰今趙分

自畢十二度至東井十五次實沈辰在申曰泥灘律中仲呂斗建巳今晉魏分

自井十六度至柳八次鶉首辰在未曰協洽律中蕤



賓斗建午今秦分

自柳九度至張十七次鶉火辰在午曰敦牂一名大律律中林鍾斗建未今周分

自張十八度至軫十一次鶉尾辰在巳曰大荒落律中夷則斗建申今楚分

自軫十二度至氐四次壽星辰在辰曰執徐律中南呂斗建酉今韓分

自氐五度至尾九次大火辰在卯曰單閼律中無射斗建戌今宋分



自尾十度至斗十百三十五分而終析木辰在寅曰攝提格律中應鍾斗建亥今燕分

天有十二次日月之所躔地有十二分王侯之所國是以二十八宿分配十二辰與七政互行一左一右相為經緯所以而其五行以成天地四時之造化

### 東宮蒼龍七宿

蒼龍連蜷於左角為五帝坐庭亢為䟽廟氐為天根房為天府心為明堂尾為人子箕為敖客

分為小象者七



星家名角木為蛟亢金為龍氐土為貉房日為兔心  
月為狐尾火為虎箕水為豹日月居中五星緯外析  
木會寅大火會卯壽星會辰

角二星

角二星為天關其間天門其內天庭黃道經其中七  
曜之所行也龍左角為天田為理主刑右角為將主  
兵星明大王道泰賢在朝熒惑犯天田旱

亢四星



四星天子之內朝也為諸王主無疾總攝天下奏事  
聽訟理獄錄功

氏四星



四星王者之宿宮后妃之府前二星適後二星妻角  
亢下係於氏若木之有根故氏為天根天根見而水  
涸

房四星



四星為天府天子布政之宮中間為天衢七曜由其  
中則天下和平亦為天駟天馬主車駕國語曰農祥  
晨正日月抵於天廟土乃脉發隋志曰五緯入房啓  
姬王肇迹


心三星

三星天王正位也中星為明堂天子位為大辰主天  
子賞罰前星為太子後星為庶子大火為大辰火中



寒暑乃退心言萬物始有華心心為乾精而房升陽  
之駟也房日月之所在重華者謂歲星在心歲星守  
心年穀豐心為火五月火始昏見詩三星在天

尾九星



上第一星后次三星夫人次星若后嬪妾第二傍一  
星名曰神宮蒼龍之尾為九子色均明後宮有序  
子孫丙之辰龍尾伏辰尾言萬物死生如尾



箕四星

9-2

四星為後宮后妃之府亦為龍尾為教客主口舌亦  
曰天津主八風凡日月宿在箕東壁北方翼軫已風  
起又曰天雞又曰傳說騎箕尾北於列星傳說一星  
在尾後箕在南而斗在此故南箕北斗

西宮咸池七宿

亦曰白虎

白虎猛據於右奎為溝瀆婁為聚眾胃為天倉昂為  
白木會畢為邊兵觜觿為虎首參為斬艾



分為小象者七

星家名奎木為狼婁金為狗胃土為雉卯日為雞畢  
月為烏觜火為猴參水為猿日月居中五星緯外降  
婁會戌大梁會酉實沈會申

奎十六星



十六星天之武庫一曰天豚亦曰封豕主兵禁暴又  
主溝瀆月今仲春日在奎季夏奎日中

婁三星




三星為天獄主苑囿犧牲供給郊祀大享多子孫明  
則天下和平日會在婁為大臣憂

胃三星

三星為天廚天倉五穀之府動則有輸運之事明則  
天下和平季春日在胃

昂七星





七星天之耳也主西方獄事又為毛頭胡星明則天下牢獄平書曰短星昂

畢八星



八星曰罕畢為邊兵主弋獵又主遠兵黃道所經天子出旄頭罕畢以先驅此其義也正義云箕畢尚妻之所好中央土氣為風東方木氣為雨木克土為妃故箕星好風是尚妃之所好也畢屬西方金氣為陰



克東方之木為妃故好雨而尚妻之所好又申寅而相冲破申來逆寅寅被逆故為颶風寅來破申申被逆故為暴雨

觜三星

三星為虎首為三軍之候行軍之藏府明則軍儲盈將勢得月令仲秋日觜觿中

參十星





十星一曰參伐一曰大辰一曰天市一曰鉞鉞主斬  
刈殺伐又為權衡所以平理又主邊城參十星為白  
虎之躰中三星橫列者三將也下三星斜列曰伐天  
之都尉主胡鮮卑戎狄之國故不欲明其外四星左  
右肩股也東北曰左肩主左將西北曰右肩主右將  
東南曰左足主後將軍西南曰右足主偏將軍故黃  
帝占曰參應七將七將皆明天下精兵伐星明與參  
等大臣皆謀起兵參為白虎三星有一者為衡西有  
勾曲九星一曰天旗二曰天苑三曰九斿東有大星



曰狼狼角變色多盜賊

南宮朱鳥七宿

朱雀奮翼於前井為水事鬼為祠事柳為鳥主草木  
星為鶉火主急事張為素厨主觴客翼為羽翮主遠  
客軫為車主風

分為小象者七

星家名井木為犴鬼金為羊柳土為獐星日為馬張  
月為鹿翼火為蛇軫水為蚓日月居中五星緯外鶉  
尾會巳鶉火會午鶉首會未



井八星



八星天之亭候主水衡事法令所取平也正義曰參  
旁之東有王井故曰東井王用法平則井星明而端  
列東井京師分又曰熒惑犯東井旱


鬼五星



五星天日也主視明察奸謀明則五穀成又云主死  
喪




柳八星



八星天之厨宰也主尚食知滋味又主雷雨朱鳥之  
口故曰鳥喙爾雅味謂之柳味即喙亦作噉左傳味  
為鷄火天官書為鳥喙主草木又季夏日在柳季秋  
日柳中

星七星





七星一名天都主衣裳文綉又七星為頸。

張六星



六星為嗉素鳥受食處主珍寶宗廟所用天厨飲食  
賞賚之事明則王道昌漢志主觴客晉志朱張為鳥  
星故為羽蟲

翼二十二星





二十二星天之樂府俳優主夷狄遠客負海之賓明  
則大禮樂興動則四夷使來離徙天子舉兵翼為羽  
翮主遠

四星

四星為車主車騎亦主載任有軍出入皆占於軫又  
主冢宰輔臣亦曰烏帟烏尾又主風與巽同位又軫  
為首



北宮玄武七宿

靈龜圖首於後南斗為廟牽牛為犧牲婺女為天孫  
女虛為哭泣之事危為蓋屋營室為清廟東壁為文  
章

分為小象者七

星家名斗木為獬牛金為牛女土為蝠虛日為鼠危  
月為燕室火為猪壁水為猢日居月中五星緯外  
枵會子星紀會丑娵訾會亥

斗六星



南斗六星天廟亦為壽之期又丞相太宰位主褒賞  
進賢稟受爵祿又主兵南二星天梁中二星天相北  
二星天府庭斗星盛明王道和平傳曰辰在斗柄日  
月會南斗

牛六星

六星天之關梁主犧牲事後志云七曜之起始於牽




牛北三星河鼓河鼓亦名牽牛律書牽牛言陽氣行萬物出也太白犯牽牛將軍凶博物志張騫乘槎窮河源嚴君平占客星犯牛斗

女四星

娑女四星又曰須女主布帛裁製嫁娶須賤妾之稱婦職之卑者其北織女天女孫也

虛二星






主北方邑居廟堂祭祀祝禱事又主哭泣之事又冢  
宰之官書宵中星虛

危三星



三星主天府天市架屋危為玄枵耗神也虛亦耗神

室八星



營室二星天子之宮又有軍糧之府及土功事星明



國昌一曰玄宮二曰清廟室二星謂之定定正也主土功事詩云定之方中

壁二星

二星主文章天下圖書之秘府也詩疏云壁者室之外院箕在南則壁在室東故稱東壁星明王者昌道術明國多君子歲星守之五穀以水傷月令仲冬

東壁中

宿分四方之義



左為青龍屬木應東方為龍動於重陰之下龜吐氣  
蛇啓蟄出而喜變化者龍也春分以後辰為蒼龍之  
次占家亦以甲乙寅卯為龍其象曰天田主農祥皆  
以應東方之春右為白虎屬金居酉易虎多屬西方  
居兌兌金稟收飲肅殺之氣有虎象焉象言參為白  
虎者參申也據猛虎之皆有斬刈殺伐之威東有大  
狼亦虎類也是以為天之將星七宿中有取天倉武  
庫者亦以應犁鉞之秋

前為朱雀屬火居南易離南方為飛鳥史言流火為



鳥又為日中之鳥牛為鵠火來為鵠昔已為鵠尾其  
味在柳其翼在翼鵠雉之屬飛必附草嶺南孔雀之  
頸七星為馬於辰為午故馬為火畜午為火畜為馬  
首龍星之精故馬蚤同氣故鵠龜卵皆有黃離也七  
宿中有鬼與天日七星主文繡皆以應於南方離明  
之象

後為玄武屬水居北斗本北方為坎北宮龜形乃其  
本象又分為龜蛇兩物或為狐北斗宿中多言宗  
廟禱祠者以北方幽陰鬼神之窟宅也言宮室女工



以應冬條陰極陽生是以列宿皆起於牽牛之初  
斗辰斗杓可指東西而辰則無為觀其所指則  
知辰之所在故自斗杓之所加言之則謂之  
建自日月之所會言之則謂之辰斗柄左移  
日月左徙故辰與建常相會焉辰時也言日  
月聚會有時故以辰言之在天為二十八宿  
舉目可見故以星言之辰為天之體而北辰  
居天體之中又為十二辰之主斗杓與北辰  
相脉絡北辰為十二辰之統斗杓則指十二



辰者也以辰辨方自十二次以辰兼星土曰  
十二野以辰兼十二子十二歲十有二月係  
焉皆辰也

北斗七星

斗魁

開陽

衡

斗魁

璇

璣

斗魁

斗四星其方為斗亦曰魁三星為柄亦曰杓亦曰標



謂斗柄也垂而下揭斗隨天旋轉四時各有畛界為  
天喉舌斟酌元氣運平四時一日一夜亦隨天轉過  
一周而行天一度聖王觀斗所建命其四時以分十  
二月之會天地四方以斗為樞天運四時自斗而指  
斗正則時正時正則斗正故曆有差法斗無差度善  
治曆者質諸斗而已矣北斗七星星間相去九千里  
第一至四為魁第五至第七為標合為斗居陰布陽  
故稱北極星貪狼熒星巨門璣星祿存權星文曲衡  
星廉貞開陽武曲招搖破軍



七星所建

前志曰用昏建者杓杓自華以西南夜半建者衡衡  
殷中州河濟之間旦建者魁魁海岱以東北也蓋杓  
斗之尾星第七也尾為陰昏陰位故主西南衡星居  
中昏杓建於寅夜半衡亦建於寅也魁斗之首星屬  
陽故主東北所以斗杓連東方龍角之星

斗建十五日為一節以生二十四時之變

斗指子則冬至音比黃鍾加十五日指癸則小寒音  
比應鍾加十五日指丑則大寒音比無射加十五日



指報德之維則越陰在地故曰距日冬至四十六日  
而立春陽氣凍解音北南呂加十五日指寅則雨水  
音比夷則加十五日指甲則雷驚蟄音比林鍾加十  
五日指卯中繩故曰春分則雷行音比蕤賓加十五  
日指乙則清明風至音比仲呂加十五日指辰則穀  
雨音比姑洗加十五日指常羊之維則春分盡故曰  
有四十六日而立夏大風濟音比夾鍾加十五日指  
巳則小滿音比太簇加十五日指丙則芒種音比太  
呂加十五日指午則陽氣極故曰有四十六日而夏



至音比黃鍾加十五日指丁則小暑音比大呂加十五日指未則大暑音比太簇加十五日指背陽之維則夏至盡故曰有四十六日而立秋涼風至音比夾鍾加十五日指申則處暑音比姑洗加十五日指庚則白露降音比仲呂加十五日指酉中繩故曰秋分雷戒蟄蟲北鄉音比蕤賓加十五日指辛則寒露音比林鍾加十五日指戌則霜降音比夷則加十五日指號通之維則秋分盡故曰有四十六日而立冬草朮畢死音比南呂加十五日指亥則小雪音比無射



加十五日指壬則大雪音比應鍾加十五日指子故  
曰陽生於子陰生於午陽生於子故十一月曰冬至  
鵲始加巢人氣鍾首陰生於午故五月為小刑薺麥  
亭歷姑冬生草木必死

斗一南一北而萬物虛盈

斗一北而萬物虛謂立冬以後斗杓建亥自亥之後  
陰主於時萬物收歛故曰虛斗一南而萬物盈謂立  
夏以後斗杓建巳自巳之後陽主於時萬物華盛故  
曰盈



十二月斗指律受


帝張四維運之以斗月徙一神復反其所正月指寅  
十二月指丑一歲而匝終而復始指寅則萬物蟄律  
受太簇太簇者簇而未出也指卯卯則茂茂然律受  
夾鍾夾鍾者種始莢也指辰辰則振之也律受姑洗  
姑洗者陳去而新來也指巳巳則生巳定也律受仲  
呂仲呂者中克大也指午午者忤也律受蕤賓蕤賓  
者安而服也指未未昧也律受林鍾林鍾者引而止  
也指申申者呻之也律受夷則夷則者易其則也



以去矣指酉酉者飽也律受南呂南呂者任包大也  
指戌戌者滅也律受無射無射者入無厭也指亥亥  
者闕也律受應鍾應鍾者應其鍾也指子子者茲也  
律受黃鍾黃鍾者鍾已黃也指丑丑者紐也律受大  
呂大呂者旅旅而去也其加卯酉則陰陽分日夜平  
矣故曰規生矩殺衡長權藏繩居中央為四時根



十二月建應生變圖





北斗之神二

北斗之神有雌雄十一月始建於子月從一辰雄左  
行雌右行五月合午謀刑十一月合子謀德

斗與辰合宿而成日月十二會

斗之所建建在地上十二辰故言子丑之等辰者日  
月之會會在天上十二次故言詠訾降婁之等



# 二十辰官星分隸圖



內十二辰  
 中十二星  
 亦曰十二  
 次外十二  
 宮神也



二十八宿分隸圖





四仲日月會次

仲春建卯日月會于降娄而為奎娄之次仲夏建午  
日月會于鶉首而為井鬼之次仲秋建酉日月會于  
壽星而為角亢之次仲冬建子日月會于星紀而為  
斗牛之次



二十次日月交會圖






# 二十宮分野所屬圖





二十辰次二十八舍圖





星變

五緯行度與七政互相表裏分布四方用告禍福故曰彛倫失序則星辰亂行星一也其形其色其常其變其時其分各有取舍其占不同天象豈虛應哉是以古者隱德之士夜觀天象晝察人事而為之隱憂也

五緯之變

金星與日同南北之行為羸與日分南北之次為縮出早為月食出晚為天妖主兵象也



木星所在國不可伐而可以伐人趨舍而前為贏退  
舍為縮出入不當其次必有天殃

水星出早為日食出晚為彗星及天祲一時不出其  
時不和四時不出天下大饑出於房心間主地動也  
火星行一舍二舍為不祥東行疾則兵聚于東方西  
行疾則兵聚于西方

填星失次而上二三宿曰盈有主命不成不乃大水  
失次而下曰縮后歲其歲不復

天官變星



昭明星赤帝熒惑之精象如太白光芒釋名為筆星  
氣有一枝末銳似筆亦曰日華星大而白無角乍上  
乍下所起國兵多變

五殘星填星之精星表有氣如暈有毛出正東東方  
之野其星狀類辰去地可六七丈

賊星太白之精形如彗出正南南方之野星去地可  
六丈大而赤動有光一曰六賊

司危星熒惑之精星大而毛兩角出正西西方之  
野星去地可六丈大而白類太白



獄漢星出正北方之野星去地可六丈大而赤數動  
察之中青此四野星所出出非其方其下有兵衝不  
利

四填星出四隅去地可四丈或曰星大而赤常以夜  
半時見十月而兵起

地維藏光亦出四隅去地二三丈若月始出見則下  
有亂亂者亡有德者昌

燭星狀如太白星上有三慧上出亦填星之精其出  
也不行見則不久而滅所燭者城邑亂



旬始出北斗旁旬亦作營蚩尤也狀如雄雞其尾  
青黑象伏螯或曰帑雌也出則諸侯雄鳴

枉矢類大流星地行而蒼黑望之如有毛羽然

長庚如一匹布著天此星見兵起

### 妖星

孛星彗星長星

亦曰  
彗

絕迹而去曰飛星光迹相連曰

流星

### 彗有五色

色蒼則侯王破天子若兵赤則賊起強國恣黃則女



害色權奪后妃白則將軍逆二年兵大作黑則水精賊江河決賊處處起

攷彗星之變六

魯文公時彗在北斗後楚以夷狄深入諸夏春秋齊侯禳彗宴子曰不可是在教民民將流亡始皇十五年間彗四見長或竟天遂無六國攘四夷死人如麻漢元光五年七月彗東入太微至幸臣五十餘日致中常侍趙忠姦亂之應漢哀建平二年三月彗出牽牛七十餘日卒貽王莽篡國之禍宋景定甲子彗出



柳宿律中躔實為鶉火之次妖惑實於半天七十餘日不及十稔國隨以滅

太白經天數有盈縮二變

盈縮者日方南太白居南日方北太白居北為羸侯王不寧用兵進吉退凶日方北太白居南日方南太白居北為縮侯王有憂用兵退吉進凶又太白在南歲星在北名曰牡年穀大熟當出不出當入不入不破國必亡國經天者日陽也日出則星亡晝見午上為經與日並明是謂亂紀天下革民更主人民流



亡強者弱小者強女主昌莽地皇時在太微中燭地如月光太微天子庭也是年大兵入天子庭至漸臺斬莽首

三變

太白主兵熒惑主內亂月主刑其變有三三者失度有亂臣賊子伏尸流血之兵

又星之變

蚩尤為旗之變類彗後曲象旗黃上白下熒惑之精見則王者征伐四方天狗墮地之變狀如大流星有



聳如雷望如火光炎炎衝天墜地類狗其下圜如數  
頃田處上銳者則有黃色千里破軍殺將亦太白之  
精枉矢星之變物莫直於矢直而枉操矢者邪人也  
昔項羽救鉅鹿枉矢西流遂阬秦屠咸陽以亂伐亂  
附耳星之變西畢大星旁小星附耳搖動有讒亂在  
側天讒星之變又曰卷舌六星在北主口舌以知佞  
讒卷舌上一星天讒橈槍梧彗之變四星狀異殃一  
破國危君餘殃為旱凶饑暴疾熒惑之精為變隋大  
業末熒惑逆行入南斗色赤如血光芒震耀長七八



尺後楊玄感反天下大亂唐長壽中熒惑犯五諸侯  
渾儀尚獻甫奏臣命在金五諸侯太史位火克金臣  
將死矣武后曰為禳之遷水衡都尉水生金又去太  
史位卿無憂矣是秋獻甫卒赦星星長三丈餘出北  
斗魁南抵軒轅而滅占曰有赦墳星之精為變成漢  
星墳之精也出正北去地可六丈大而赤中青青中  
赤表下有三彗從橫又名五殘星出正東狀類辰去  
地可六丈大而黃狼角之變九游星東有大星曰伯  
變色則多盜賊貫索賤人之牢也又曰連索連營



牢主禁強暴九星皆明獄煩七星明大赦動斧鑕用

歸邪

音蛇

之變如星非星如雲非雲歸蛇出必有歸國

者其占亦有吉凶流星之變漢元延中日晡時有流

星頭大如缶長十餘丈赤白從日下東南去或大如

盂或如雞子耀耀如雨下至昏止其占為天子失勢

後王莽篡國建武中小流星百枚以上或西南東北

四面行其占為小民流徙後應征公孫述民流流星

大如杯從織女西行後光烈皇后崩流星出文昌將

相色白光燭地長可四丈搖如龍蛇形已而王商自



殺

流星九說

晉志曰天使也星大者使大小者使小自上而下曰  
流自下而升曰飛大者曰奔亦流也聲隆隆者怒之  
象小星流者庶民之象大如月者人主之象天星盡  
搖民勞之象

客星二說

惟嚴子陵足以當客星之占陳仲弓足以應德星之  
聚宿騎箕尾而傳說生星隕中營而葛亮死古人



子未嘗不與天象相關也客星又有變者形大如瓜色有青白者不為大水則為大饑氣白起天苑西南者則牛馬死傷又何其不祥也

十干

太歲在甲曰闕逢在乙曰旃蒙丙為柔兆丁為疆圉戊為著雍己為屠維庚曰上章辛曰重光壬曰玄默癸曰昭陽